

Euskal Herriko Ahotsak
ahotsak.com

Eugenio Sagastizabal Beobide

*Arrigorriaga,
Bizkaia (1928)*

Aurkibidea



Biografia



Larrasko auzoko
Torrebarrondo baserrian jaio
zen eta bertan bizi izan da
beti. Bere aita ere bertakoa
zen eta ama Arteatik etorria.
7 senidetatik hirugarrena izan
zen. Herriko eskolara
baserriko lanek uzten
zutenean joaten zen bakarrik
eta dakien gehiena Basauriko
akademia bateko gau-eskolan
ikasi ei zuen. Baserriko
beharrak alde batera utzi
barik igeltsero lanetan aritu
zen. Arrigorriagako antzinako
kontuak, herriko aldaketak,
gose garaiko bizipenak zein
gazte garaiko ibilerak kontatu
dizkigu, besteak beste.
Gamizkoa (Gamiz-Fika) du
emaztea.

Zintak

AGO-001

- **Proiektua:** Euskal Herriko Ahotsak
- **Elkarrizketatzailea(k):** Goiria Mendiola, Nerea
- **Data:** 2011-11-30
- **Iraupena:** 61 min
- **Euskarria:** Bideo digitala
- **Kodifikatzailea:** Elexpuru, Juan Martin
- **Transkribatzailea(k):** Etxazarra, Ainhoa

AGO-002

- **Proiektua:** Euskal Herriko Ahotsak
- **Elkarrizketatzailea(k):** Goiria Mendiola, Nerea
- **Data:** 2011-11-30
- **Iraupena:** 61 min
- **Euskarria:** Bideo digitala

AGO-003

- **Proiektua:** Euskal Herriko Ahotsak
- **Elkarrizketatzailea(k):** Goiria Mendiola, Nerea
- **Data:** 2011-11-30
- **Iraupena:** 29 min
- **Euskarria:** Bideo digitala

Pasarteak

1. Abizen gipuzkoar asko eskualdean

- **Erref:** AGO-001/002
- **Iraupena:** 0:02:14. **Hasi:** 00:02:00. **Bukatu:** 00:04:14
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa

Laburpena:

<p>Torrebarrondo da beren etxea. Goikiri auzoa dute gorago eta Larrasko beherago. Aita eta aitaita ere etxeokak ziren. Sagastizabal abizena Gipuzkoakoa izan daiteke. Basoko lanera gipuzkoar asko etortzen ei ziren antzina. Hainbat abizen gipuzkoar dago inguruan. Garmendia abizenaz.</p>

Transkripzioa

-San Pedrora bidian Torrebarrondo baserri bakarra da. Torre etzea gurea ixin de baia gero gorao dauz, beste auzo bat, Goikiri, ta beheragoan handi beherantza Larrasko. Oin Larrasko imin deure, kallea moduen, hori euzoa nire etzeraiño.

-Ta zuen barrioa Larrasko da?

-Oin bai, oin Larrasko.

-Ta lehen zuek zelan deitzen otsazuen?

-Ba Torre.

-Barrioa Torre?

-Torre barrioa eta etzea. Etze bat baiño ez dau ta, Torretxea, Torreraíño edo... Goraokoak ya Goikiri. Baie beherantza Larrasko.

-Ta hori zer, Arrigorriaga da?

-Bai, bai, Arrigorriaga.

-Ta ama ta nunguek?

-Ama Arteakoa ta aite hor bertakoa, etzekoa. Ama ta... ta aitite be bai, hor bertan jaiokoa. Uste dot e? baietz e?, aitite be hor.. horkoak dire.

-Orduan Sagastizabal bertokue.

-Bai, bai. Ez dakit nondi etorriko abizena ixingo dan, Gipuzkoa aldeti edo etorrite. Horrik, entzutea dekot hemen abizen asko dauz, Larrazabal, Solozabal, honik Garmendia be bai, Markixokoa..., Gipuzkoa aldeti etorrikoak diela hona basoetara, lehenao hemen ba baso asko egon da, basoetara baso-lanak iten, egurre txikitan edo zera. Ta horretan etorri te hemen gelditukoak gero, auren baserritxuek edo prepareute. Entzutea nik ez? Gure zaharreri. Horrik abizenok, Larrazabal ta Solozabal ta Garmendia be bai, Garmendia be... Garmendia esaten daure soldadiskati libretako, eskapau in zauela han ta hona etorri basoetara beharren ta hemen... Garmendia Markixokoak eta honik, aite edo aitite edo... Entzutea nik aiteri e?

2. Baserriko lan gehientsuak bere bizkar

- **Erref:** AGO-001/003
- **Iraupena:** 0:03:14. **Hasi:** 00:04:14. **Bukatu:** 00:07:28
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa

Laburpena:

<p>Zazpi neba-arreba izan ziren. Aita paper-fabrikan ibili zen. Baserriko lanetan ama eta neba-arrebak ibiltzen ziren, baina gehienbat bera. Abereak uztartzen ere egiten zuen berak. Behi bat oso zakarra zuten, oraindik haren adarkada marka du bekokian. Aitak Eugeniori lana eragiten zion etengabe, eta sekula ez zen egoten konforme egindakoaz.</p>

Transkripzioa

-Ta neba-arreba asko izen ziñen?

-Gu izin giñen zazpi neba-arraba, zazpi.

-Ta zu zenbagarrena?

-Ni naz hirugarrena.

-Ta ama ta aitze baserritik bizi zien edo...

-Ez aite fabrikara ibil zan, fabrikan, papeleran. Hor ibil zan zera... sutegixen, papeleran, taillerrean, herreru edo, holako zer bat.

-Ta nor arduetuten zan ba baserriko lanana orduan?

-Ama ta geu, zer ba? Ni... ein behar! Ganaduek buztetu te bueno... iñoz ganaduek adarka be batek iten oskun /iteoskun/. Hemen dekot erasoa eiñekoa begi ondoan adarragaz. Ta buztetu in behar derrigor! Ta gero soltakeran be dio! Hak botaten euzen /botateuzen/ adarkadak. Ta ondoko beixe be ikeratu eiten auen. Baie ein in behar, aite fabrikara joaten zan ta beharrak inde auki bihar etorten zaneke. Fabrikako adarra entzuten gindun orduen bihotza be saltuke hasten zan! Zetara etorko ete dan. Etorten bazan umoretsu ba ondo, baia bestera etorten bazan, ta ha ta hori te bestea ta in barik eta! Errue beti guk, in barik egoten zana. Inde egoten zana berageiti.

-Ta horrek biherrak zure arrebak zein anaixek? Danok?

-Arrebak be bai, haik be ba... baie gehixena niri toketan jatan ze anai zaharrena hil in jatan. Ta arrebak beti ba jorran, artajorran edo holango zeretan, bai, artajorran edo ba... baia ganadue edo soloa bueltau edo zera ta bestie nigana etorten zan. Beste anaixe bat dekot baia ha gazteana izin de ta ha be libretan zan. Ha be gazteana zalako... ez, nitzako etorten zien... Azpigarrixek be ebateko dauz! Ze ez dau azpigarririk! zera! Bestea! Hasten zan orduen aite zarataka, bueno! Zuhur ibili behar ta ebai in behar. Goizetan domekatan be seiretako mezan hemen egon behar e? gero meza ostean, benga! Basora! Hartu godaiñie edo berdegillea ta benga! Ha ebaten edo bestea, lotu barik! Ta iñoz ez eusten esaten ba nehiko in dozu ta oin jai. Beti ordu bietarte egoten banintzen lanian, aber hiruretarte iñazoten baosten /bosten/, ta bestea, iñoz konforme iñekoagaz.

3. Aitak saldu bere behi kutuna

- **Erref:** AGO-001/004
- **Iraupena:** 0:01:57. **Hasi:** 00:07:28. **Bukatu:** 00:09:25
- **Multimedia:** bideoa online ikusgai

Gaia(k):

- Baserria » Baserriko lanak » Lurra lantzea
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

<p>Eugeniok hezita zuen behi pare a itaurreko barik lan egiteko. Baina egun

batez aitag saldu egin zuen horietako bat. Kontu hartu zionean, "Ugazaba neu naiz", erantzun zion aitag. Futbola ikustera joateko ere ihes egin behar izaten zuen etxeko leihotik.</p>

Transkripzioa

-Auki nauzen behi betzuk hezite ba aurreko barik, itaurreko barik, itaurreko barik... baze ezpabere amak in behar iziten auen ze arrebak edo josten edo haik... holango zeretan ez auren gure in. Bueno ama. Hezite ba, nauk bakarik benga, buelta-ta. Kaugen zera! Aukiten dodaz hezite itaurreko barik ibilteko ta igurdi beten non ikusten doten behixe salduten, behi bat buzterrikoa ta nauk esan ba... zer saltzean dozu ba hau behixeu ba? Buzterrireko behar dogu /du/ ta... derrigor behar dogu /du/ buzterrireko ta zera ta. Hemen nau nez uzaba! Haren errosarioa hori ixiten zan gero be! Hemen nau nez uzaba! Uzaba neu nez, nauk agintan dot! Hori ez zan nok kenduko dotsenik /kendukotsenik/. Ta bere esanak in behar beti, ta bueno. Joaten nintzen kanpofubolera bai, lapurreta moduen, eskapa inde! Jatorduen hasten zan esaten, ba bueno, arrastixen hara joan behar dogu /du/, ya, ya bazkarixe amaituten hasten zanian. Kaugen la letxe! Partidue ba nik, fubola! Lagunek guztixek, euoak ta... Me kaugen la letxe! Eskapeu ein behar, kuartuen bentanati... gaubian bareoa! Ene! Han be, kanpofubolean, ia egunen baten hona bertara agertuten bajat, bildurregaz han be egoten nintzen. Zer pasazo osten!

4. Aita, oker jaiotako gizona

- **Erref:** AGO-001/006
- **Iraupena:** 0:03:06. **Hasi:** 00:10:47. **Bukatu:** 00:13:53
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko giroa
- Baserría » Baserriko lanak » Garia

Laburpena:

<p>Segalari ona izan da bera. Belarra ebakitzen laguntzen zioten auzokoek, eta eguerdian, amaitutakoan, aitag gari-jotzen ipintzen zituen denak. Aitag nekerik handieneko beharretan jartzen zuen bera eta neurririk gabe lan eginarazten zion. Oker jaiotako gizona zela dio.</p>

Transkripzioa

-Ni bedarra ebaten ona izin nez, ona e? Oin be nik honik desbrozadorokaz baiño, ontxe be larogeta hiru urtegaz holangoak baiño gehixau ebaten dot, beitixu. Oin be bai. Han ibiltan da euzoan bat eta harek beste ontxe be garbitan dodaz. Dana ezin dot e? oin ya dana ezin dot. Ta ekarri... lagunek, bedar asko eukiten gindun ta, lagundu iten ostien ba, auzoko lagunek edo lehengusuek edo. Kaugen seis! Hairi be gero goizean ba...joe, nehikoa da ez? Bedarra ebaten ordu batatarte, goizeko seiretan hasite, ordu batatarte igual bedarra ebaten edo hamabixetarte, ya nehiko inde ta. Gero gari metak egoten zien, handi gatozeneko gari metea zabaldu ha jotan iminteko jentia. Lagunek... nik hori ingo dogu /ingu/ bixer edo zera! Nik esaten nontsen. Nik ez nauen gure hairi geihau iñazo ba! nehiko in deurela ta. Hak ez euen eiten... iñazo hairi. Ezetz ez esaterik, hairik be ein. Terkoa gizona! Baten egon ziren han... bere lagunek ixin zien haik, ta nire osaba bat, aman neba bat eta lau ta. Bagauz bazkalduten ta han ibil giñen

zabaldu edo bedarrok... orduen be bedar denporea zan ta. Haik esan otsien, itxizuz ganaduek ta gurdixe, ta arrastixen bedarrak hemen... sabaie esaten dotsezu edo kamaria? Zelan esaten dotsezu? Kamaran edo sabaixen ezta?

-Niretzat diferentie da sabaixe ta kamarie. Bedarra egoten dan lekue.

-Bai, bedarra, bedarra.

-Hori zer da, sabaixe?

-Ez dakit /eztait/ nik, iñoz sabaixe be entzun dot, sabaixe. Kamaria be bai, kamaria, gehixenetan kamaria esaten dotsegu. Ta bueno, han iminko jatzuz bedarrak danak arrastixen, itxizuz ganaduek ekarteko, gora iguteko ta. Lepoan ekarriazo! Kaguen San Dios! Juramentue etorko da horra ez? Lepoan, derrigor lepoan iñazo! Dios! Han izin zen gizona, oker jaiokoen bat edo. Hankak aurrerantza dala jaioko zan. Hak beharra, gehixen kostetan dana, ha iñazo behar beti, iñazo behar! Kaguen Die! Ta beti niregana, ni zaharrena. Ta beinga!

5. Txori-habi bila

- **Erref:** AGO-001/008
- **Iraupena:** 0:00:38. **Hasi:** 00:15:10. **Bukatu:** 00:15:48
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Umetako kontuak
- Politika » Gerraostea eta Francoren diktadura » Ekonomia gerraostean

Laburpena:

<p>Txori-habiak topatzen ibili ohi ziren txikitan eguen arratsaldetan, ez zen eskolarik izaten-eta.</p>

Transkripzioa

-Gero bitarterik egon bazan, txikiten, zerera, txori-habixek topetan ta honango tretak aukiten ginduzen. Larrazen semea etorten zan horrik txori-habixek topetan. Eguen arrastixetan eukiten gindun jai eskolatan. Horrik han egoten zien, bazkaldu ta denpora barik han! benga! Txori-habixek topetan handi. Txikiten, txikiten hori e? Larraz. Zenbet... oin juntetan naz hor laurekaz. Beti haik kontuek.

6. Frantsesa ikasi zuen liburu batetik

- **Erref:** AGO-001/009
- **Iraupena:** 0:01:38. **Hasi:** 00:15:48. **Bukatu:** 00:17:26
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskolaz aparteko ikasketak
- Euskara » Beste hizkuntzak eta hizkerak

Laburpena:

<p>Eskolara gutxi joaten zen baserriko lanak egin behar izaten zirelako, eta zatiketak egiten ikasi barik irten zen. Gero gau-eskolan asko ikasi zuen, Aljebra ere bai. Frantses ere apur bat liburu batetik; hitz egiten ez baina irakurri eta ulertu dena.</p>

Transkripzioa

-Ta lan bai, baia eskolie be esan dozu.

-Bai, eskolara be... eskolara ahal danian. "Dividir" ikisi barik urten neuen nik eskolati. Ze soloan in behar ixiten zan orduen, eskolia derrigorra ixiten zan itxitia. Ta eskolan pasetan jatan, leloa ez naz ixin eskolara e? Pasetan jatan, karo, orduko faltatan irikasten euzan gauza batzuk ta gero ha jakin ez, bestia atateko. Nik aurrekoa jakin ez gero bestia ezin arteztu. Ta halan. Ta atzeratu. "dividir" ikisi barik e? Ta gero gaubeko eskola batera hasi nintzen ta han ikisi neuen, buf! Gero ataten nauzen problemak, ikisi nauen aljebraiño e? Aljebra be jakin naun. Ta libru bet euki neuen frantsesezkoa ta frantses be asko jakin neuen! Berbaz ez, ez? Baia ostean traduzidu ta leidu ta irakurri? Frantses. Oin ya ahiztute dekot, bua! Hainbeste urte... Ahiztute dekot e? baia frantses? Oin be hitz asko badakidez frantsesez baia ya... baie lehen? Hori bai e? ez nauen jakin, oseake, konbertsaziño bat eraten... ha ezin neuen, trabestuten nintzez.

7. "Aldeanos burros, hablan como los indios"

- **Erref:** AGO-001/010
- **Iraupena:** 0:02:28. **Hasi:** 00:17:26. **Bukatu:** 00:19:54
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

<p>Herrira jaisten ziren eskolara. "Aldeanos burros, hablan como los indios" esaten zieten kanpotik etorritako erdaldunek. Baserritarrek herrikoen kontra jokatu ohi zuten futboleant. "Kanpoztar zapasto horrek" burla egiten zieten. Atzetik segi eta egurra ematen zieten kaletarrei. Erdaraz gaizki egiten zutelako egiten ei zieten batik bat burla.</p>

Transkripzioa

-Ta eskolia nun eguen? Herriko eskola?

-Herriko eskolara bai, herriko eskolara.

-Ta hona bajatzen ziñen?

-Bai, bai, bai hona.

-Han barrioan edo ez?

-Han? Han etze gitxi dau. Hona etorri behar. Guardasolik eta holan bez, zaku bet igual esaten oskun aitek, zakue lepoan iminite joan eskolara! Joe! Igun bazkaltzen ta atzera eskolara.

-Ta aldea egongo zan ba hango baserriko jentea ta herriko jentea.

-Bai, bai. Aldea bai, buf! "¡aldeanos burros!" geituten oskuen herrikoak.

Horrik kanpotik etorriko elderrunok, etorten zien orduen ya, ba horrik "¡aldeanos, burros, hablan como los indios!" Partidue olgetan be futbolera igual ta, ba futbolera gustau guri be ta, "los aldeanos contra los del pueblo" olgetan gindun, aldeanuek herrikoan kontra. Bai, orduen be... baia horrik kanpoztar zapaztook! Horrik burle eiten oskuen. Gero gu bakizu, eskuek boltsan hartute, baia gero urteiten auren orduen eskuek boltsati, me kaguen! Auren atzean joan... arin eiten euren! Lantzean bateri holan lepoko bat emon ta eskapetan auren /eskapetauren/ bai. Burleka beti! Handi, han parau aurrek kamiño hegalian ta gu handi bidian gora danok kuadrillan. "¡Aldeanos, burros!" Kaguen seis!

-Eta burla baserrittarrak izetearren edo euskaldunek izetearren.

-Haik pentsetan euren ba gu holango... auskera iten gindun moduen, auskera ta ba beti atzeratute, berbaz be ondo jakin ez erderaz ta, bakizu, txarto beti, lotsa edo kobarde eskolan. Ba horrik, horrik auki auren arpegi bet eurek... ta gulangoari gero... buf! “¡aldeanos, burros!” jesus! “¡boronos!”

8. Gurasoek erdararik jakin ez, seme-alabek euskararik jakin ez

- **Erref:** AGO-001/011
- **Iraupena:** 0:02:47. **Hasi:** 00:19:54. **Bukatu:** 00:22:41
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

<p>Erderaz ahal zen bezala, belarriz, ikasi zuen. Euskaraz ere ikasiko zuen (euskara landua) gustura, baina ez zuen aukerarik izan. Euskara asko galdu zen Arrigorriagan. Baditu lehengusuak euskararik ez dakitenak, gurasoek erdararik jakin ez arren. Esaten zuten euskarak ez zuela ezertarako balio. Berak beti maite izan du euskara. Semeak aitari barre egiten zion erdaraz gaizki egiten zuelako: "yo he visto las 'arratas' subiendo...". Amak ez zekien erdararik. "Hable en cristiano" esaten zioten leihatilan Bilbora zergak ordaintzera joaten zenean. Ama asko sufritutakoa da horregatik.</p>

Transkripzioa

-Ta erderaz zelan?

-Ba erderaz guk ba ahal dan moduen. Oin badakigu apur beti baia lehen erderaz ez gindun iñon... ez zan radixorik be egoten ta telebisiñorik bez orduen. Orduen etzean euskeraz ta entzungoa, entzunekoa gurusoari. Ni ez naz egon euskerazko... ikisiko nauen nik euskera be bai e? ez naz ibili iñoz ikisten ta. Astirik bez.

-Hemen zure ume sasoian euskera asko entzuten zan Arrigorriagan?

-Ez, ez, galdu in zen orduen euskera asko. Francon denporia zan ta nik dekodaz han lehengusuek, lehengusu-lehengusuek, gurusoak erderarik jakin ez, erderarik jakin ez e? ta semeak auskerarik jakin ez. Esaten auren / esateuren/ erdera barik gaur ez dauela ezer, auskerea ez dala ezetako bihar, ta bueno! Nik horren ganean... niri barrez beti euskeria tiritu e? niri gustau auskeria! Ni auskeria... beti tiritu dost.

-Baia etxean, zure lehengusu horrek eta, etxean ez eben eitten?

-Erdera. Haik erdera, aiteri ta amari be erdera. Ta euskera, erdera... gurusoak auskera jakin ez, edo txarto. Fabrikan “arrastaz” ta holan... ta gero semea barre, semeak aiteri barre. Igual, nire osabea, nire aman... ta nire ama bardin. “Yo ha visto las arratas” ta semeak barre aiteri, “las arratas” esatia, arratoiak ikusi dauzela kristeleti gora igoten fabrikan. Ta nire ama be bardin, nire ama... auskera bai baia erdera... erdera ikisi barik joan zan munduti. Ta joan in behar sarriten, kontribuziñoa hamen pagetan zanean etorten zan kobretan diputaziñoti edo ba kontribuziñoa pageu bihar zanean, ta joaten zan gero egun betzuk barru edo Bilbora joan azkero ez zan errekararik egoten. Ta Bilbora ta Bilbon “¡ahora cristiano!” iten ei /i/ otsan hango takillakoak, “¡Hable cristiano!”. Jo, hak zer paseu dauen hak andriak.

9. Arrigorriagako idazkaria eta bi aguazilak euskaldunak

- **Erref:** AGO-001/012
- **Iraupena:** 0:01:00. **Hasi:** 00:22:41. **Bukatu:** 00:23:41
- **Multimedia:** bideoa online ikusgai

Gaia(k):

- Euskara » Euskararen egoera

Laburpena:

<p>Arrigorriagako idazkariak eta bi aguazilek euskaraz egiten zuten eta gauza handia zen hori baserritarrentzat.</p>

Transkripzioa

-Euskerian ganian... Hemen aukiten auen konfiantzia, hemen egon zan sekretarixo bat, Jesus Barañano, horrek aituten auen /aituteuen/ ondo horrek euskalduneiri. Ta auki auren estimidu zera be bai, aguazil bet, Julian Irazabal, Julian Irazabal, Irazabal ta Landeta. Bi egon zien aguazillek lehen, herri guztireko ez? Ta ondo kobrau ta kontadora begitu te dana iten auren / iteuren/ eurek. Katxabea eskutan hartute, ez oingo moduen kotxe tzarrakaz hor bateti bestera ta, ez dakit ezer eiten badauren oingo aguazillek. Ta haik auskera jakin auren /jakiuren/ moduen ta euskaldune zera ondo atendidu . Igirri iten auen hak, hori Jesus Barañanok horrek, ba erdera ez dakixela ta berak auskera ebatziten otson dana. Bai, hori estimedu euki aun /eukiun/ berak be.

10. Tranbian istilua euskaraz egiteagatik

- **Erref:** AGO-001/013
- **Iraupena:** 0:01:02. **Hasi:** 00:23:41. **Bukatu:** 00:24:43
- **Multimedia:** bideoa online ikusgai

Gaia(k):

- Politika » Euskara eta politika
- Euskara » Euskararen egoera

Laburpena:

<p>Eskolan eta kalean ez du arazo handirik izan euskaraz egiteagatik. Tranbian bai gertatu zaio inoiz norbaitek kargu hartzea.</p>

Transkripzioa

-Eta arazorik kalean edo eskolan, edo zigorrik edo multarik edo euskeraz eitearren?
-Auskera itearrik ez, horregeiti ez dostie gogorrik in eskolan e?
-Ta kalean?
-Kalean, kalean ba iñoz auskeraz in azkero iñoz asartau jata... lanean hasi ta trabixen edo joanda orduen bai e? auskera eiteageiti ya zertu, frente in jentiak.
-A bai?
-Bai. Iñoz asertau jat hori. Tranbixen zerean ibil giñen beharren, gero albañil ibil nintzen beharren ta gero ba Bilbora edo... tranbixen gatzozela baten, jolin! Auskera etor giñelako frente iten hasi jakuzen batzuk han ta bueno, pasau zen.

11. "Historia de España" maisuaren ikasgai kutuna

- **Erref:** AGO-001/014
- **Iraupena:** 0:01:07. **Hasi:** 00:24:43. **Bukatu:** 00:25:50
- **Multimedia:** bideoa online ikusgai

Gaia(k):

- Politika » Jarrera politikoak » Falangistak
- Politika » Politika eta Franco

Laburpena:

<p>Burgosko maisua izan zuten. Militarra zuen semea. "Historia de España" irakasten zieten asko, galdutako koloniak eta horrelakoak zituen beti ahoan. "Horrek hona etorri zien hau Espainiatutena", dio Eugeniok.</p>

Transkripzioa

-Eta eskolara buelteta, ze euki zenduen maixue edo maistrie edo...
-Maixue euki gindun zera... Burgosekoa pentsetan dot zala. Ta hak irikasten oskun asko "Historia de España" edo. Hori bai. Auki auen seme bat militarra ta teorika guztixe... ta gero Españak euki euzen /eukiuzen/ horti koloniak eta zerak... "perdimos Cuba, perdimos esto.." horrik galdu beharran zerak aukiten auzen /aukiteuzen/ beti teorikan, beti, España... españatar zan. Horrik hona etor zien hau... Españatuten. Sekretarixoa aiuntamientukoa ta maixue ta abadea, abadea euskaldune zan baia, honen auzokoa, orozkoarra.

12. Portaera onaren agiria abadearen esku

- **Erref:** AGO-001/015
- **Iraupena:** 0:01:28. **Hasi:** 00:25:50. **Bukatu:** 00:27:18
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizarekin lotutako pertsonak
- Ohiturak eta bizimodua » Erlijioa » Elizaren indarra

Laburpena:

<p>Arrigorriagako abadeaz komentarioak. Hasieran frankistekin lerrokatu zen nonbait, baina gero ez hainbeste. Ez ei zen gizon txarra. Behin Eugeniok azterketa bat egin ahal izateko portaera agiria ("certificado de buena conducta") eskatu zion eta eman zion. Abadeek asko agintzen zuten orduan.</p>

Transkripzioa

-Gizon txarra ez zan izin ha e? ez... Baie aldi baten eskoatara, gero parau zen e? bestera be, gero auskeraz hasi zen orduen mezea emoten ta ya... gero, zu, llobak be urten otsien beste aldekoak, Garaigorta. Ostean gixona... nigez ondo porteu zen. Baten zera, konduktia eskatu neutsen ba, esamen baterako. Ez nauen /enauen/ atara baia bardin de. Kunduktia behar nauen /behanuen/, ona in osten, "intachable". Abadeak...
-Ta konduktea abadeari eskatu behar?
-Abadean konduktia eskatu ostien esamen bat iteko.
-Ze esamena?
-Esamena izin zan eskola baten sartzeako, papelerako eskolara sartzeako.

Esamen bat. Ez nauen /enauen/ atara esamena. Konduktea, konduktea, bai bai, kondukta zerekoa... abadeana behar zan /behazan/. Ez dozu jakin?
-Ez.
-Bai, bai, "conducta del párroco de la iglesia".
-Orduen abadean esku egoten zan zuk hori lortutia edo ez?
-Bai, bai, lehen abadeak asko agintan euren /agintauren/.

13. Seietako mezara domeka goizean

- **Erref:** AGO-001/016
- **Iraupena:** 0:02:24. **Hasi:** 00:27:18. **Bukatu:** 00:29:42
- **Multimedia:** bideoa online ikusgai

Gaia(k):

- Ohiturak eta bizimodua » Erljioa » Elizaren indarra

Laburpena:

<p>Domeketan ezin zen lanik egin, baina aítak eginarazten zien, goizeko seitako mezara joan eta gero. Hamarretan izaten zen meza nagusia. Erdaraz izaten ziren mezak. Sermoia ere erdaraz, eta hori abadea Orozkokoa zela.</p>

Transkripzioa

-Domekatan be ez aurien beharrik iten itxiten. Domekatan beharren ibiltan zanari multa ta.
-A bai?
-Bai. Gure etzean eiten zan, beitixu, seiretako mezara etorriazoten oskun aitek gero egune be osoa aprobetxetako. Jo! Han in bihar! Han in bihar!
-Seiretako mezara?
-Seiretan hasten zan mezea hemen, ze papelerakoak seiretan urteiten euren /urteteiuren/ fabrikatik, gaubez ibiltan zienak. Ta mezea entzun ta gero etzera joaten ziren haik. Ta gu orduko mezara, seiretako mezara, seiretako, gaubean igual goiti behera, jo! Hor egoten ziren bide moduekaz... gurpida bat! Horti gora, burdi-bidia baiño ez zan egoten lehen. Lehen kotxerik eta ez zan ibiltan.
-Eta zenbat meza egoten zan ba?
-Ba, hori bai, seiretako. Gero hamarretakoa beste bat, meza nausixe. Ha meza nausixe egoten zan, ha luzia zan. Ta ez dakit besterik egoten bazan. Ez zan egongo besterik. Meza nausixe ta hori, seiretako.
-Ta mezak zelakoak zien?
-Meza luziak.
-Luzeak? Eta ze hizkuntza?
-Meza... hizkuntza? Erderaz! Erderazko mezak.
-A bai?
-Bai. Auskerazko mezea oin arte ez da egon hemen, ta oin be erdizko. (3. pertsona)-Euskera hutsean dau bat.
-Auskeraz hutse?
(3. pertsona) -Zazpiretan zapatuen.
-Zapatuen zazpietakoa bai, auskeraz hutse bai? Han be ebanjelixoa edo egongo da erderaz, ez?
(3. petsona) -Euskeraz da dana.
-A bai? Ba lehen ez zan egoten euskerazko mezarik... antzik bez! Dana erdereza ta abadea honen auzokoa, beitixu, Orozkokoa.
-Sermoia be erderaz?
-Bai, bai, bai, bai, han ez zan egoten euskerarik nondi entzun bez.

(3. pertsona) -Euskera badauku guri esker da. [...]
-Ez, ez, ez, eleizan euskerarik? Pentseu bez!

14. Baserritarren aldeko abadea

- **Erref:** AGO-001/018
- **Iraupena:** 0:00:48. **Hasi:** 00:30:02. **Bukatu:** 00:30:50
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizarekin lotutako pertsonak

Laburpena:

<p>Abade batek meza laburra ematen zuen, eta gainera baserritarren alde jarduten zuen. Gustua ematen zuen haren mezara joatea.</p>

Transkripzioa

-Hor egoten zan abade bat, hak hogeit minutuen emoten auen mezea. Ta haren sermoia iziten zan beti baserritarren alde, orduen esnian... gustue iziten zan hango mezara joatea, esnian huelgak eta egoten zien, baserritarrek, gitxi pagetan otsiela edo zera edo bestea. Huelgak, entregau ez iten ta, esnea botaten kamiño hegalera ta. Hak hain zera esaten auen, baserritarrena, ta eleixako konturik ezebe ez auen esaten hak abadeak. Ta eleixea bete! Laburre zan moduen mezea, asko be jente gehixau joaten zan. Jentez beterik egoten zan haren mezea.

15. Abade aspergarria

- **Erref:** AGO-001/020
- **Iraupena:** 0:01:55. **Hasi:** 00:31:31. **Bukatu:** 00:33:26
- **Multimedia:** bideoa online ikusgai

Gaia(k):

- Euskara » Euskararen egoera
- Ohiturak eta bizimodua » Erlijioa » Elizarekin lotutako pertsonak

Laburpena:

<p>Egunero etortzen zitzaien don Juan eskolara. Oso aspergarria zen, mila aldiz errepikatzen zuen gauza bera. Dotrina erdaraz ikasi zuen. Euskarazko berba bat ez du entzun berandura arte elizan eta eskolan.</p>

Transkripzioa

-Don Juan etorten jakun egunero eskolara, ordu erdi edo ez dakit zeinbet iten auen, edo ordu bete be igual e? espliketan euzen /espliketauzen/ ebanjelio guztixek hak!
-Dotriña?
-Aspergarrixe zan sermoiak botaten ha. Bua! Beti berba bategaz emoten auen /emoteuzen/... ez dakit zeinbet denpora. "Hay que tener fe" erderaz, "hay que tener fe, y venga, hay que tener fe" "¿Cuántas veces me vas a decir que hay que tener fe?"
-Ta orduen skolako dotriña erderaz?
-Dotriña erderaz. Dotriña ondo jakin nauen nik gero e! dotriña ta "historia sagrada" be dana erderaz! Auskerazko berba bat ez dot soldadiskara arte entzun nik iñoz. Soldadiskan bai, hasi nintzen.

-Eta Aitze Gurie ta errosarixoak eta dana erderaz?
 -Dana erderaz, dana erderaz.
 -Orduen zuk badakizu euskeraz errezetan edo...
 -Bai Aite Guria ta Ave Maria ta horrik bai, horrik bai.
 -Ta non ikasi zendun?
 -Ba gero ikisite, zahar einde ikisite.
 -Ta etxean ez?
 -Gero elixara joan ta ikisi.
 -Ta etxean ez? Mahaia bedeinketukeran edo...
 -Etzean... bai gure amak jakin zeuen ta aitek be bai euskeraz Aite Guria ta hori bai. Baie eskolan ta horti euskerazkorik pentseu bez! Existitan badau bez euskeriak! Maixue be... dana erderaz. Ta gero abadea, hau etorten zan egunero hara...ba kenduten oskun eskolian ordu erdi edo ordu bete eiten auren /iteuren/, hasten zien han arratsalde gehixenetan ta benga!

16. Gau-eskolan ikasi zuen zatiketak eta buruketak egiten

- **Erref:** AGO-001/022
- **Iraupena:** 0:03:21. **Hasi:** 00:34:00. **Bukatu:** 00:37:21
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Familia eta harremanak » Lagunartea eta familia » Umetako lanak

Laburpena:

Ikasketetan ez zen txarra, baina asko egiten zuen huts eskolara baserrian lan egin behar zelako. Eta lotsatu egiten zen zerbait ez zekiela maisuari esaten. Gau-eskolan ikasi zuen zatiketak eta buruketak egiten. Buruketa batekin eskolan izandako gorabeherak.

17. Kaletarrak artajorrara tripatruke gose-denboran

- **Erref:** AGO-001/026
- **Iraupena:** 0:01:58. **Hasi:** 00:42:52. **Bukatu:** 00:44:50
- **Multimedia:** bideoa online ikusgai

Gaia(k):

- Politika » Gerraostea eta Francoren diktadura » Ekonomia gerraostean

Laburpena:

Gerra aurretxoan bost txerri hazi zituzten, baina inork ez zituen erosi gura. Gerra etorri zen eta jendea harrapatuta etorri zitzairen txerriak erosi guran. Artajorrara ere etortzen ziren kaletarrak tripa-truke gose-denboran. Errepublikaren denboran, osterara, jatekoa ugari zegoen. Txerriak egosi, beste gauza batzuekin nahastu eta txerriei ematen zitzairen atzera. Etxean asko ziren, eta berehala jaten zuten txerria.

18. Garia eta artoa entregatu behar udaletxean

- **Erref:** AGO-001/027
- **Iraupena:** 0:03:07. **Hasi:** 00:44:50. **Bukatu:** 00:47:57
- **Multimedia:** bideoa online ikusgai

Gaia(k):

- Baserria » Baserriko lanak » Errota

Laburpena:

<p>Baserrietan ere gosea pasatzen zen. Izan ere, garia, artoa, indabak... entregatu egin behar izaten ziren. Taloa janez moldatu behar, eta errotak sarri itxita. Zeberio aldean eta Azpiuntzen (Zollo) ziren errotak. Lapurren moduen ibili behar gauez. Errotariak hamar kilotik bat beretzat hartzen zuen, 'menda' ('laka', Euskal Herriko beste leku batzuetan) esaten zitzaion.</p>

19. Arbigarak medikuarentzat

- **Erref:** AGO-001/030
- **Iraupena:** 0:02:00. **Hasi:** 00:49:47. **Bukatu:** 00:51:47
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Medikuak eta sasimedikuak

Laburpena:

Lekunberri medikua oso mediku ona izan zen. Arbigarak eroateko eskatzen zien. Kipula gorriak ere bai. Arrantzan ere gustatzen zitzaion. Sukaldean gozatzen zuen. Eugeniori eskumuturra konpondu zion bi aldiz.

20. Lekunberri medikua, mediku eta gizon ona

- **Erref:** AGO-001/031
- **Iraupena:** 0:02:13. **Hasi:** 00:51:47. **Bukatu:** 00:54:00
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Medikuak eta sasimedikuak

Laburpena:

Lekunberri medikuak jendea ondo ezagutzen zuen. Oso gizon ona zen. Kapela jantzita ibiltzen zen; hori dela eta, baserritar batekin izandako solasa. Oinez ibiltzen beti, eta edozein ordutan eta egoeratan joaten zen eskatutako lekura.

21. Kipula mortzilak egiteko ona, ez sendatzeko

- **Erref:** AGO-001/033
- **Iraupena:** 0:01:30. **Hasi:** 00:54:20. **Bukatu:** 00:55:50
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Gaixotasunak
- Ohiturak eta bizimodua » Osasuna » Erremedioak

Laburpena:

Behin, bernan zaldarra infektatu zitzaion eta amak kipula jarri zion sendatzeko. Medikuaengana joan zenean, "esan amari hau mortzilak egiteko dala ona ", jaurti zion.

22. Zaldarrak soldadutzan garbitasun ezagatik

- **Erref:** AGO-001/035
- **Iraupena:** 0:00:52. **Hasi:** 00:57:18. **Bukatu:** 00:58:10
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Gaixotasunak

Laburpena:

Soldadu zegoela zaldarrak irten zitzaizkion gorputzean. Lapikoak ugarrez (herdoilez) beteta egoten ziren eta horrek eragiten zizkien, nonbait.

23. Anbotoko Atsoa Anbototik Lekandara

- **Erref:** AGO-001/037
- **Iraupena:** 0:00:27. **Hasi:** 00:59:37. **Bukatu:** 01:00:04
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Ipuinak, mitoak eta istorioak

Laburpena:

Amak esaten zuen Anbotoko Atsoa Anbototik Lekandara joaten dela zazpi urtetik zazpi urtera.

Ahotsak.eus-eko edukiarekin sortutako dokumentu automatikoa.
2025-12-10

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com